

漢魏六朝百三家集

宋

第五十六冊

謝光祿

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V. 56

諸子集

諸子集

謝
先
祿
集

謝光祿集題詞

謝希逸爲殷淑儀哀文孝武流涕都
下傳寫及廢帝卽位則銜恨堯門幾
犯芒刃一文之出禍福懸途卽作者
詎能先覺乎明帝定亂命作赦詔酌
酒立成云子業事穢東陵行汙飛走

雖鍾鼓討伐之辭殆直自快胸懷矣
文章四百餘卷今僅存此封禪儀註
奏藻麗雲漢欲摹長卿搜才定刑二
表與索虜互市議雅人之章無忝國
器耳食者徒稱陳王之明月河南之
舞馬欲以兩賦槩其群長不幾采春

華忘秋實哉典任銓衡不干喧訴居
守禁門嚴待墨詔遂令顏暝讓清郅
章比節居風貌之中獲高明之福有
微子遺則焉左氏經傳分國立篇征
南以後當稱奇書竟滅不傳此余所
尤抱恨于謝巖也

婁東張溥題

謝光祿集目錄

賦

月賦

舞馬賦

赤鸚鵡賦

悅曲池賦

詔

宋明帝卽位赦詔

表

謝光祿集

目錄

上摻才表

爲八座江夏王請封禪表

又

改定刑獄表

請弘風則表

太子元服上至尊表

太子元服上太后表

謝賜貂裘表

東海王讓司空表

讓中書令表

讓吏部尚書表

奏

上封禪儀註奏

封皇弟奏

改封長公主奏

章

爲北中郎謝兼司徒章

爲北中郎拜司徒章

啟事

與世祖啟事

牋

與大司馬江夏王義恭牋

書

爲朝士與袁顗書

帖

昨還帖

議

索虜互市議

贊

竹贊

哀策文

宋孝武帝哀策文

皇太子妃哀策文

宣貴妃謚冊文

誄

孝武宣貴妃誄

黃門侍郎劉琨之誄

墓誌銘

豫章長公主墓誌銘

司空何尚之墓銘

樂府

宋明堂歌九首

迎神歌

登歌

歌太祖文皇帝

歌青帝

歌赤帝

歌黃帝

歌白帝

歌黑帝

送神歌

宋世祖廟歌二首

世祖孝武皇帝歌

宣太后歌

詩

烝齋應詔

和元日雪花應詔

七夕夜詠牛女應制

侍宴蒜山

侍東耕

遊豫章西觀洪崖井

自潯陽至都集道里名爲詩

北宅祕園

喜雨

江都平解嚴

從駕頓上

八月侍華林曜靈殿八關齋

懷園引

山夜憂

聯句

華林都亭曲水聯句效柏梁體

附錄

謝光祿集

目錄

五

本傳

謝光祿集目錄終

謝光祿集卷之全

宋陳郡謝 莊著

明太倉張 溥閱

賦

月賦

陳王初喪應劉，端憂多暇，綠苔生閣，芳塵凝榭，
悄焉疚懷，弗怡中夜，乃清蘭路，肅桂苑，騰吹寒
山，弭蓋秋坂，臨濬壑而怨遙，登崇岫而傷遠，于
時斜漢左界，北陸南躔，白露曖空，素月流天，沈

吟齊章、殷勤陳篇、抽毫進牘、以命仲宣、仲宣跪
而稱曰、臣東鄙幽介、長自邱樊、昧道懵學、孤奉
明恩、臣聞沈潛既義、高明既經、日以陽德、月以
陰靈、擅扶桑於東沼、嗣若英於西冥、引玄兔於
帝臺、集素娥於后庭、朏朏警闕、朏朏示冲、順辰
通燭、從星澤風、增華台室、揚彩軒宮、委照而吳
業昌、淪精而漢道融、若夫氣霽地表、雲歛天末、
洞庭始波、木葉微脫、菊散芳於山椒、鴈流哀於
江瀕、升清質之悠悠、降澄暉之藹藹、列宿掩緇、

長河韜映，柔祇雪凝，圓靈水鏡，連觀霜縞，周除
冰淨。君王乃厭晨歡，樂宵宴，收妙舞，弛清縣，去
燭房，卽月殿。芳酒登，鳴琴薦。若乃涼夜自淒，風
篁成韻，親懿莫從，羈孤遁進，聆臯禽之夕聞，聽
朔管之秋引。於是絲桐練響，音容選和，徘徊房
露，惆悵陽阿。聲林虛籟，淪池滅波。情紆軫其何
託，愬皓月而長歌。歌曰：美人邁兮，音塵闕，隔千
里兮，共明月。臨風歎兮，將焉歇，川路長兮，不可
越。歌響未終，餘景就畢，滿堂變容，迴遑如失。又

詩方集 卷八
稱歌曰、月旣沒、今露欲晞、歲方晏、今無與歸、佳
期可以還、微霜霑人衣、陳王曰善、乃命執事獻
壽薦璧、敬珮玉音、復之無斁、

舞馬賦

天子馭三光、總萬寓、挹雲經之留憲、裁河書之
遺矩、是以德澤上昭天下、漏泉符瑞之慶咸屬
榮懷之應必躔、月啓呈祥、乾維效氣、賦景河房、
承靈天駟、陵原郊而漸影、躍承淵而泳質、辭水
穴而南徠、去輪臺而東暨、乘玉塞而歸寶、奄芝

庭而獻祕、及其養安騏校、進駕龍涓、輝大馭於
國、皂賁上襄於帝閑、超益野而踰綠地、軼蘭池
而轢紫燕、五王晦其術、十氏憐其玄、東門豈或
狀、西河不能傳、旣秣苞以均性、又佩蘅以崇躅、
卷雄神於綺文、蓄奔容於帷燭、蘊籥雲之銳景、
戢追電之逸足、方疊鎔於丹鎬、亦聯規於朱駮、
觀其雙壁應範、三封中圖、玄骨滿燕、室虛陽理、
竟潛策紆汗飛、赭沫流朱、至於肆夏已升、采齊
旣薦、始徘徊而龍倪、終沃若而鸞盼、迎調露於

飛鍾赴承雲於驚箭，寫秦垌之彌塵，狀吳門之
曳練，窮虞庭之蹈躒，究遺野之環袪。若夫躋實
之態未卷，凌遠之氣方攄，厯岱野而過碣石，跨
滄流而軼姑餘，朝送日於西坂，夕歸風於北都。
尋瓊宮於倏瞬，望銀臺於須臾。若乃日宣重光，
德星昭衍，國稱梁岱，伫蹕史言，壇場望踐，鄙上
之瑞彰，江間之禎闡，榮鏡之運旣臻，會昌之厯
已辨，感五繇之程符，鑒群后之薦典，聖主將有
事於東嶽禮也，於是順斗極，乘次躔，戒懸日於

昭旦命月題於上年，駢駢翼翼，泛修風而浮慶
煙，肅肅雍雍，引八神而詔九仙，下齊郊而掩配
林，集羸里而降祊田，蒲軒次獻，瑄璧承嚮，金檢
茲發，王牒斯刊，盛節之義洽，升中之禮殫，億兆
悅，精祇歡，聆萬歲於曾岫，燭神光於紫壇，是以
擊轅之蹈，撫埃之舞，相與而歌曰：聳朝蓋兮泛
晨霞，靈之來兮雲漢華，山有壽兮松有茂，祚神
極兮貺皇家，然後悟聖朝之績，號慶榮之烈，比
盛乎天地，爭明乎日月，茂實冠於胥庭，鴻名邁

於勛發業底於告成道臻乎報謁巍巍乎蕩蕩
乎民無得而稱焉

赤鸚鵡賦

徒觀其柔儀所踐頽藻所挺華景夕映容光晦
鮮惠性昭和天機自曉審國音於寰中達方聲
於裔表及其雲移霞峙霞委雪翻陸離翬漸容
裔鴻軒躍林飛岫嶼若輕電濫煙門集場棲圃
曄若天桃被玉園至於氣清體浮霧下崖沈月
圖光於綠水雲寫影於青林遡還風而聳翮霑

清露而調音

悅曲池賦

北山兮黛柏、南谿兮頽石、頽岸兮若虹、黛樹兮
如畫、暮雲兮十里、朝霞兮于尺、步東池兮夜未
久、卧西窗兮月向山、引一息於菟內、擾百緒於
眼前、

山陰縣志卷之八

山陰縣志卷之八

山陰縣志卷之八

山陰縣志卷之八

山陰縣志卷之八

詔

宋明帝卽位赦詔

高祖武皇帝德洞四瀛，化綿九服。太祖文皇帝以大明定基，世祖孝武皇帝以下武甯亂，日月所照，梯山航海，風雨所均，削衽襲帶，所以業固盛，漢聲溢，隆周子業，凶器自天，忍悖成性，人面獸心，見於齟齬，反道敗德，著自比年，其狎侮五常，怠棄三正，矯誣上天，毒流下國，實開闢所未有，書契所未聞，再罹遏密，而無一日之哀，齊斬

在躬方深北里之樂、虎兇難柙、憑河必彰、遂誅
滅上宰、窮豐逆之酷、虐害國輔、究孥戮之刑、子
鸞、同生、以昔憾殄殪、敬猷兄、策以睚眦、殲夷、徵
逼義陽、將加屠膾、陵辱戚藩、櫝楚妃主、奪立左
右、竊子置儲、肆酗于朝、宜淫于國、事穢東陵、行
汙飛走、積豐罔極、日月滋深、比遂圖犯、立宮、志
窺題湊、將肆梟獍之禍、騁商頤之心、又欲鳩毒
崇憲、虐加諸父、事均宮闈、聲遍國都、鳴梟小豎、
莫不寵暱、朝廷忠誠、必加戮挫、收掩之旨、虓虎

結轍掠奪之使白刃相望百僚危氣首領無有
全地萬姓崩心妻子不復相保所以鬼哭山鳴
星鉤血降神器殆於馭索景祚危於綴旒朕假
寐凝憂泣血待旦慮大宋之基於焉而泯武文
之業將墜于淵賴七廟之靈藉八百之慶巨猾
斯殄鴻沴時褰皇綱絕而復紐天緯缺而更張
猥以寡薄屬承乾統上緝三光之重俯顧庶民
之艱業業矜矜若履氷谷思與億兆同此維新
可大赦天下改景和元年爲泰始元年賜民爵

二級鰥寡孤獨不能自存者，穀人五斛，逋租宿
債勿復收。犯鄉論清議，贓污淫盜，並悉洗除。長
徒之身，特賜原遣。亡官失爵，禁錮舊勞，一依舊
典。其昏制謬封，並皆刊削。

表

上揆才表

臣聞功照千里，非特燭車之珍；德柔鄰國，豈徒
祕璧之貴。故詩稱殄悴，誓述榮懷。用能道臻無
積，化至恭已。伏惟陛下，膺慶集圖，締寓開縣，夕
爽選政，旻旦調風。采言廝興，觀謠仄遠。斯實辰
階告平，頌聲方製。臣竊惟隆陂所漸，治亂之由，
何嘗不興資得才，替因失士。故楚書以善人爲
寶，虞典以則哲爲難。進選之軌，旣弛中代；登造

之律未聞當今必欲崇本康務庇民濟俗匪更
憇懣奚取九成升厯中陽英賢起於徐沛受錄
白水茂異出於荆宛甯二都智之所產七噢才
之所集實遇與不遇用與不用耳今大道光亨
萬務俟德而九服之曠九流之艱提鈞懸衡委
之選部一人之鑒易限而天下之才難原以易
限之鑒鏡難原之木使國罔遺授野無滯器其
可得乎昔公叔與僕同升管仲取臣於盜趙文
非親士踈嗣祁奚豈諂讐比子茹茅以彙作範

前經舉爾所知式昭往牒且自古任薦賞罰弘明成子舉三哲而身致魏輔應侯任二士而已捐秦相曰季稱冀缺而疇以田采張勃進陳湯而坐以褫爵此先事之盛准亦後王之彝鑒如臣愚見宜普命大臣各舉所知以付尚書依分銓用若任得其才據主延賞有不稱職宜及其坐重者免黜輕者左遷被舉之身加以禁錮年數多少隨愆議制若犯大辟則任者刑論又政平訟理莫先親民親民之要實歸守宰故黃霸

治潁川累稔。杜畿居河東。厯載。或就加恩秩。或入崇輝寵。今蒞民之職。自非公私。必應代換者。宜遵六年之制。進獲章明。庸墮退得。民不勤擾。如此則下無浮謬之愆。上靡棄能之累。考績之風。載泰。槽薪之歌。克昌。臣生屬亨路。身漸鴻猷。遂得奉詔左右。陳愚於側。敢露芻言。懼氛恒典。爲八座江夏王請封禪表

惟皇天崇稱大道。始行揖讓。迄于有晉。雖聿修前緒。而跡淪言廢。蔑記於竹素者焉。可單書。紹

乾維建嶽號流風聲被絃管自無懷以來可傳
而不朽者七十有四君罔仁厚而道滅鮮義澆
而德宣鍾律之先曠世綿絕難得而聞邱索著
明者尙有遺炳故易稱先天弗違後天奉時蓋
陶唐姚姒商姬之主莫不由斯道也是以風化
大洽光熙于後炎漢二帝亦踵曩則因百姓之
心聽輿人之頌龍駕帝服鏤玉梁甫昌言明稱
告成上靈况大宋表祥唐虞受終素德山龍啓
符金玉顯瑞異承騰於軫墟紫煙藹於邦甸錫

冕兆九五之徵、文豹赴天厯之會、誠二祖之幽
慶、聖后之冥休、道冠軒堯、惠深亭毒、而猶執冲
約、未言封禪之事、四海竊以惡焉、臣聞惟皇配
極、惟帝祀天、故能上稽乾式、照臨黔首、協和窮
昊、膺茲多福、高祖武皇帝明並日月光、振八區、
拯已溺之晉、濟橫流之世、撥亂甯民、應天受命、
鴻徽洽于海表、威稜震乎沙漠、太祖文皇帝體
聖履仁、述業興禮、正樂頌、作象厯、明達通於神
祇、玄澤被乎上下、仁孝命世、獻武英挺、遭運屯

召三才湮滅廼龍飛五洲鳳翔九江身先八百
之期斷出人鬼之表慶煙應高牙之建風耀符
發迹之辰親翦凶逆躬清昏濫天地革始夫婦
更造豈與彼承業繼緒拓復禹跡車一其軌書
罔異文者同年而議哉今龍麟已至鳳凰已儀
比李已實靈茅已茂雕氣降零於宮榭珍露呈
味於禁林嘉禾積穗於殿薨連理合幹於園禦
皆耀質離宮植根蘭囿至夫霜毫立文素翮頽
羽泉河山嶽之瑞草木金石之祥方畿憬塗之

謁抗驛絕祖之奏彪炳雜沓粵不可勝言太平
之應茲焉富矣宜其從天人之誠遵先王之則
備萬乘整法駕修封泰山座玉岱趾延喬松於
東京詔韓岐於西廂麾天閭使啓闕謁紫宮朝
太一奏鈞天詠雲門贊揚幽奧超聲前古豈不
盛哉伏願時命宗伯具茲典度

又

江淮鄙上之使結軌于璧門西鸛北采之譚相
望於道路

改定刑獄表

臣聞明慎用刑，獄存姬典，哀矜折獄，實暉呂命。罪疑從輕，旣前王之格範，甯失弗經。亦列聖之恒訓。用能化致升平，道臻恭己，逮漢文傷不辜之罰，除相坐之令。孝宣倍深文之吏，立鞫訊之法。當是時也，號令刑存，陛下踐位，親臨聽訟，億兆相賀，以爲無冤民矣。而比囹圄未虛，頌聲尚缺。臣竊謂五聽之慈，弗宣於宰物三宥之澤，未洽於民謠。頃年軍旅餘弊，刼掠猶繁，監司計獲

多非其實。或規免咎。不慮國患。楚對之下。鮮不
誣濫。身遭鈇鑕之誅。家嬰孥戮之痛。比伍同閼。
莫不及罪。是則一人罰謬。坐者數十。昔齊女告
天。臨淄臺殞。孝婦冤戮。東海愆陽。此皆符變靈
祇。初咸景緯。臣近兼訊。見重囚八人。旋觀其初。
死有餘罪。詳察其理。實並無辜。恐此不少。誠可
怵惕也。舊官長竟囚畢。郡遣督郵案驗。仍就施
刑。督郵賤吏。非能異於官長。有案驗之名。而無
研究之實。愚謂此制宜革。自今人重之囚。縣考

正畢。以事言郡。并送囚身。委二千石親臨覈辯。必收聲吞釁。然後就戮。若二千石不能決。乃度廷尉。神州統外。移之刺史。刺史有疑。亦歸臺獄。必令死者不怨。生者無恨。庶鬻棺之諺。輟歎於終古。兩造之察。流詠於方今。臣學闇申韓。才寡治術。輕陳庸管。懼垂國憲。

請弘風則表

詔云。貴戚競利。興貨麀肆者。悉皆禁制。此實允
愆。民聽其中。若有犯違。則應依制裁糾。若廢法

申恩便爲令有所屈此處分伏願深思無緣明
詔旣下而聲實垂爽臣愚謂大臣在祿位者尤
不宜與民爭利不審可得在此詔不拔葵去織
實宜深宏

太子元服上至尊表

伏惟皇太子殿下明兩承乾元良作貳抗法迂
身英華自遠樂以修中禮以治外三善克懋德
成教尊今日昭辰顯加元服對靈祇之望儔上
庠之歡率天罄世莫不載躍

太子元服上大后表

離景承宸樞光陪極毓問東華飛英上序樂正
歌風司成頌德清明神鏡溫文在躬練日簡辰
顯被元服懋三王之教燭少陽之重

謝賜貂裘表

臣莊言主衣黃達宜勅賜臣貂裘。匪發衽開玄
華有曜靡毫柔毳黯鑑自凝固以綵越綴翬光
逾緝鷺臣聞噸笑不妄韓裳勿假續有昭庸楚
纁爰建臣歡忭自歌而同委衾之澤勤勞未報

而叨解裘之寵。空荷榮施。徒賁微軀。承殊恩必
識服以淪生。銘悅之情。罔知所寘。臣受假無由。
躬拜謹遣表。

東海王讓司空表

臣側觀前載。與窺洪典。三事之授。惟帝其難。臣
乘少籍長久。分踰涯量。出滿入泰。每究榮光。不
悟乾燭方遠。義路同遺。下參弘化。上尸燮理。自
非德仍具瞻。聲堪民詠。未有妄臻此澤。空集

茲靈

讓中書令表

伏惟陛下登取震維臨齊璿政澤與屈叛恩從
雲動臣聞璧門天邃鳳沼神深綵綸王言出納
帝命自非望允當時譽宣庠塾未有謬垂曲寵
空席茲榮在於平壯猶不可勉况今綿痼百志
俱淪

讓吏部尚書表

招才琴鈞之上。取士歌牧之中。終能克夷景命。
榮懷萬宇。豈容先私首曲。近有經過。且不習冠
制。趙客興鑒。未聞統馭。鄭臣有規。匪瘳身譏。

...

...

...

...

...

...

奏

上封禪儀註奏

臣聞崇號建極必觀俗以樹教正位居體必採
世以立言是以重代列聖咸由厥道立勲上烈
融章未分鳴光委緒歇而罔藏若其顯謚騰軌
則系綴聲采徵畧聞聽爰洎姬漢風流尚存遺
芬餘榮綿映紀緯雖年絕世祀代革精華可得
騰金絲奏玉潤鏤迹以燠今鐫德以麗遠而四
望埋禋歌之禮日觀弛修封之容豈非神明之

業難崇功基之迹易泯自茲以降訖于季末莫
不欲英弘微位詳固洪聲豈徒深默修文淵幽
馭世而已諒以勝非虛奏書匪妄埋擊雨恕神
涓廕復樹安得紫壇肅祇竹宮載崢散火投郊
流星奔座寶緯初基厭靈命厯德振弛維功濟
淪象玄浸紛流華液幽潤規存永馭思詳樹遠
太祖文皇帝以啓邁泰運景望震凝采樂調風
集禮宣度祖宗相映軌迹重暉聖上韞籙蕃河
出翔衡漢金波掩照華耀停明運動時來躍飛

風舉澄氛。海岱開景中區。歆神還靈。頽天重耀。
儲正凝位。於兼明。袞嶽蕃華。於元列。故以祥映。
昌基。繫發篆素。重以班朝待典。飾令詳儀。纂綜。
淪蕪。揆騰委逸。奏玉郊宮。禋珪立時。景集天廟。
脉壤祥農。節至昕陽。川邱夙禮。網威巡驅。表綏。
中甸。史流其詠。民挹其風。於是涵迹視陰。振聲。
威響。歷代之渠。沈望內。安侯之長。賢王入侍。
殊生詭氣。奉俗還鄉。羽族卉儀。懷音革狀。邊帛。
絕書。權光弛燭。天岱發靈。宗河開寶。崇邱淪鼎。

振采泗淵。雲皇王嶽。摘藻漢并角。卽音。栖翔

禁禦。袞甲霜味。翺舞川肆。榮泉流鏡。後昭河源。

故以波沸外關。雲蒸內澤。若其雪趾青毳。玄文

朱綵。日月郊甸。擇木弄音。重以榮露騰軒。蕭雲

掩閣。鎬頴孳萌。移華淵禁。山輿竝衡。雲鵲竦翼。

海鰈泳流。江茅吐蔭。校書之列。仰筆以飾辭。濟

代之蕃。獻邑以待禮。豈非禮勰。氣昌物瑞。雲照

蒲軒。龜軫。泉瀄芳太宰。江夏王臣義恭。咀道

遵英。栖奇麗古。該潤圖史。施詳閎載。表以功懋。

往初德耀炎昊升文中岱登牒天關耀冠榮名
摘振聲號而道謙稱首禮以虛挹將使立祗缺
觀幽瑞垂期梁甫無盛德之容介邱靡升聞之
響加窮泉之野獻八代之駟交木之鄉奠絕金
之楷肅靈重表珍符兼貺伏惟陛下謨詳淵載
衍屬休章依徵聖靈潤色聲業諏辰稽古肅齊
警列儒僚展采禮官相儀懸蕤動音洪鍾竦節
陽路整衛正途清禁於是績環珮端玉藻鳴鳳
竝律騰駕流文閒綵比象之容昭明紀數之服

徽煒天陣容藻神行翠蓋懷陰羽華列照乃詔
聯事掌祭賓客贊儀金支宿縣鏞石潤響命五
神以相列闢九關以集靈驚衛兵而開雲先雨
祇以灑路霞凝生闕煙起成宮臺冠丹光壇浮
素靄爾乃臨中壇備盛禮天降祥錫壽固皇根
谷動神音山傳稱響然後辨年問老陳詩觀俗
歸薦告神奉遺清廟光美之盛彰乎萬古淵祥
之烈溢乎無窮豈不盛歟臣等生接昌辰肅懋
明世東教管聞未足言道且章志湮微代往淪

絕抱採遺文、辯明訓誥、

遙訪鄒魯草勝

書堊玉之禮、具竦石繩金之儀、和芝潤瑛、鐫璽

乾封懼弗軌、屬上徽輝、當王則、謹奉儀注、以聞

封皇弟奏

臣聞桐圭睦親、書河汾之策、賜帶懷賢、敬東平
之祚、諒以訓經終始、義洽垣墉、第某皇弟等器
彩明敏、令識頽悟、並宜憲章前典、光啓祚宇、作
屏王室、式雍帝載、臣等參議、可封郡王、

改封郡長公主奏

臣聞爵厚懿戚國之恒典景祚既新禮與時渥
永興等七公主可封郡長公主

章

爲北中郎謝兼司徒章

臣聞燮理陰陽，寅亮天地，弗惟其官，無人則闕。
司徒掌敷五教，職擾兆民，豈悟乾靈罔匱，光渥
方闡，不次之任，殊絕藩岳，豈可權尸三事，假備
六符，慙震周迴，顧步交悽。

爲北中郎拜司徒章

不爲震施，罔匱鴻慶，方惆瘳調之重，遂臻非據。
智小謀大，周易興規，少陽微暄，有鑒前史，辨其

勤植布其安擾以倡九牧阜成王教豈臣耿未
所能克荷

啓事

與世祖啓事

賊劬自絕於天、裂冠毀冕、窮弑極逆、開闢未聞、四海泣血、幽明同憤、奉三月二十七日檄聖迹、昭然伏讀感慶、天祚王室、叡哲重光、殿下文明、在獄神武、居陝肅將乾威、龔行天罰、滌社稷之仇、雪華夷之恥、使弛墜之構、更獲締造、垢辱之眚、復得明目、伏承所命柳元景司馬文恭宗慤、沈慶之等精甲十萬、已次近道、殿下親董銳旅、

授律繼進、荆鄢之師、岷漢之衆、舳艫萬里、旌旆
虧天、九土冥符、群后畢會、今獨夫醜類、曾不盈
旅、自相暴殄、省闥橫流、百僚屏氣、道路以目、檄
至輒布之京邑、朝野同欣、里頌塗歌、室家相慶、
莫不望景聳鬼、瞻雲伫足、先帝以日月之光、照
臨區寓、風澤所漸、無幽不洽、況下官世荷寵靈、
叨恩踰量、謝病私門、幸免虎口、雖志在投報、其
路無由、今大軍近次、永清無遠、欣悲踴躍、不知
所裁、

牋

與大司馬江夏王義恭牋

下官凡人，非有達槩異識俗外之志，實因羸疾，常恐奄忽，故少來無意於人間，豈當有心於崇達邪？頃年乘事回薄，遂累養非次，既足貽誚，明時又亦取愧朋友。前以聖道初開，未遑引退，及此諸夏事甯，方陳微請，欸志未伸，仍荷今授，被恩之始，具披寸心，非惟在已，知尤實懼塵穢，彝序稟生多病，天下所悉，兩臂癖疾，殆與生俱。一

月發動。不減兩三。每至一惡。痛來逼心。氣餘如
縊。利患數年。遂成痼疾。吸吸惛惛。常如行尸。恒
居死病。而不復道者。豈是疾痊。直以荷恩深重。
思答殊施。牽課尫瘵。以綜所忝。眼患五月來。便
不復得夜坐。恒閉帷避風。日晝夜昏懵。爲此不
復得朝謁諸王。慶弔親舊。唯被勅見。不容停耳。
此斷不堪見賓。已數十日。持此苦生。而使銓綜
九流。應對無方之訴。實由聖慈罔已。然當之信
自苦劇。若才堪事任。而體氣休健。承寵異之遇。

處自效之塗。豈苟欲思閒辭事邪。家素貧弊。宅舍未立。兒息不免麤糲。而安之若命。甯復是能忘微祿。正以復有切於此處。故無復他願耳。今之所希。唯在小閑。下官微命於天下。至輕。在已。不能不重。屢經披請。未蒙哀恕。良由誠淺辭訥。不足上感。家世無年。亡高祖四十。曾祖三十二。亡祖四十七。下官新歲便三十五。加以疾患如此。當復幾時見聖世。就其中煎懷若此。實在可矜。前時曾啓願三吳勅旨云。都不須復議外出。

莫非過恩、然亦是下官生運。不應見一間逸。今不敢復言此。當付之來生耳。但得保餘年、無復物務、少得養病、此便是志願求畢。在衙門下、有所懷、動止必聞、亦無假居職。患於不能、俾補萬一耳。識淺才常、羸疾如此、孤負主上擢授之恩、私心實自哀愧。入年便當更申前請、以死自固。但庸近所訴、恐未能仰徹、公恩眄弘深粗、照誠懇、願侍坐言次、賜垂拯助、則苦誠至心、庶獲哀允。若不蒙降祐、下官當於何希冀邪。

仰憑觀察
願不垂察

書

爲朝士與袁顗書

夫夷陂相因，興革遞數，或多難而固其國，或殷憂而啓聖明。此旣著於前史，亦彰於聞見。王室不造，昏凶肆虐，神鼎將淪，宗稷幾泯。幸天未亡，宋乾歷有歸，主上體自聖文，繼明作睿，而辱均牖，里屯踰憂臺。旣天地俱憤，義勇同奮，尅殄鯨鯢，三靈更造，應天順民，爰集寶命，四海屬息肩之歡，華戎見來，蘇之泰。吾等獲免刀鋸，僅全首

領復身奉惟新、命承亨運、緩帶談笑、擊壤聖世、
汝雖劬勞于外、跡阻京師、然心期所寄、江漢何
遠、自九江告變、皆謂鄧氏狂惑、比日國言籍籍、
頗塵吾子道路之議、豈其或然、聞此之日、能無
駭惋、凶人反道敗德、日夜蒞深、昵近狡慝、取謀
豺虎、非惟毒流外物、惡積中朝、乃欲毀陵邑、虐
崇憲、燒宗廟、鹵御物、然後蕩覆京都、必使蘭蕕
俱盡、自非聖上廟筭靈圖、俛眉遜避、維持內外、
擁衛臣下、則赤縣爲戎、百姓其魚矣、此事此理、

甯可孰念、旣天道輔順、謳歌有奉、高祖之孫、文
皇之子、德洞九幽、功貫三曜、匡拯家國、提毓黔
首、若不子民南而、將使神器何歸、面羣下構慝、
妄生窺覬、成軫惑燕。貫高亂趙、讒人罔極、自古
有之、汝中京冠冕、儒雅世襲、多見前載、縣鑒忠
邪、何遠遺郎中之清軌、近忘太尉之純槩、相與
或羣從舅甥、或姻婭周款、一旦胡越、能無悵恨、
若疑誑所至、邪詖無窮、汝當誓衆奮戈、翦此朝
食、若自延過聽、迷塗未遠、聖上臨物以仁、接下

以愛、豈直雍齒先封、乃當射鉤見相矣、當由力
窘跡屈、丹誠未亮、玆予南服、寤寐延首、若反
棹沿流、歸誠鳳闕、錫圭開寓、非爾而誰、吾等竝
過、荷曲慈、俱叨非服、紆金拖玉、改觀蓬門、入奉
舜禹之渥、出見羲唐之化、雍容揄揚、信白駒空
谷之時也、柰何毀擲、先基自蹈、凶戾山門、蕭瑟
松庭、誰掃言念、楚路豈不思父母之邦、幸納惡
石、以蠲美疢、裁書表意、爾其圖之、

帖

昨還帖

弟昨還方承一日忽患悶當時乃爾大惡殊不易追企恒想諸治昨來已漸勝眠食復云何頃日寒重春節至居患者無不增動今作何治眼風不異耳指遣承問謝莊白呈左僕射

謝朓集

卷全

帖

三

風子幾其前數不既而情自止也

日無東而情重風風在則平然而平於心

為風全時而情自止也

平即風之平一日也思因風而平也

平即風之平

議

索虜互市議

臣愚以爲獯獫棄義，唯利是視。關市之請，或以
覘國，順之示弱。無明柔遠，拒而觀釁。有足表彊
且漢文和親，豈止彭陽之寇。武帝修約，不廢馬
邑之謀。故有餘則經畧，不足則閉關。何爲屈冠
帶之邦，通引弓之俗。樹無益之軌，招塵點之風。
交易爽議，旣應深杜。和約詭論，尤宜固絕。臣庸
管多蔽，豈識國儀。恩誘降逮，敢不披盡。

文以經國為志示以明內教而外化
雖之而加修也之教則立之於心
自之而始於論國其本立則國治
日始之時登立上信德而家知所
其列國之平教歸同平德而世
列於古教而平教歸同平德而世
列於古教而平教歸同平德而世

贊

竹贊

瞻彼中唐，綠竹猗猗。貞而不介，弱而不虧。杳裊
人圃，蕭瑟雲崖。推名楚潭，美質梁池。

人因遠望而無歸之志者其意固已
歸矣而身雖在遠而心已歸矣此所謂
心歸也

哀策文

宋孝武帝哀策文

應門洞望，馳道南除，叢塗已撤，鬱鬯將虛，哀子
嗣皇帝，擗標池綽，周遑旌軫，攀七緯之崩淪，慟
三靈之徂盡，百神慕而行雲沉，萬國哀而素霜
賁，衣冠緬邈，弓劍不追，敢緝謳頌，髣髴希夷，其
辭曰，

樞電皇根，月瑤國緒，脣裔丹陵，蟬聯華渚，二后
在天，大行纂武，克睿克聖，重規襲矩，昭昭金式，

明明玉溫望雲其遠就日其尊雨零露湛冬暖
春暄聲芳納麓道昭賓門上德無稱至功不器
昭悵四始優遊六位綴響蘭深緝言瓊秘悠哉
梁踐眇焉汾肆敬業開寓離經作翰鴻起荆河
鸞遊楚漢泗濱霑明江區承奐陝左清郊棠陰
虛館地維不紐乾綱弛機義庭蕩蝕紫路流飛
泣血孤淚顧瞻川沂孝貫樞極義震寰圍誓鉞
皇郊詔師牧甸七景締華五雲卷燭雪怨園邑
掃取瀛縣啓聖宸蓋集寶龍見王室多故國步

方蹇淮濟裂冠、江荆毀冕、東楚亂常、西華啓釁、
動筭揮圖、爰戡爰剪、浹宙斯澄、綿區咸鏡、修風
曉逸、德星夕映、潄露飛甘、舒雲結慶、禎被動植、
信泊翔泳、缺禮克宜、墜章必構、方堂饗極、圓流
肆胄、南聳郊宮、北清靈囿、瑤軒春藉、翠華冬狩、
經緯窮文、克定盡武、鄙上呈祥、介邱載仁、在盈
念冗、成功弗處、榮鏡中世、烏奕前古、睿業初遠、
鴻化方亨、丹雲承日、素景媵星、玉几去襲、綴衣
在庭、辭重陽之昭昭、降大夜之冥冥、氣質炎涼、

史詔龜筮、文物空嚴、鑿和虛衛、動蜃輅之逶迤、
顧璧羽之容裔、出國文而分天地、向幽途而異
身世、龍旌鬱而青槐遠、驚葭亂而白楊翳、觀初
霜之變條、聽秋風之下帶、橋山絙雲、穀林虧日、
輦道結寒、松庭盡密、芝蓋迫軫、上驤脊轡、萬寓
肅其北轅、靈阿閔其深隘、南維有時、傾離光不
常鏡、騰英聲與茂實、方流華於舞詠、

皇太子妃哀策文

楹凝桂酒、庭肅龍輶、風吹國輅、雲起郊門、皇帝

傷總綖之掩綵，悼副禕之滅華。行光旣宴，長河
又斜。顧而言曰：璇璫有毀，郁烈無湮。翦素裁簡，
授之史臣。其辭曰：

霍岫虧天，瀟流凝漢。祥發桐珪，慶昭金筭。毓景
帝里，飛芳戚閑。秘儀施谷，升音集灌。月晷幾望，
娣袂維良。釋幃春宮，承飾少陽。五葉衍藻，四訓
抽光。歲蕤蕙振，婉變瓊相。清徽就遠，稔沴方搏。
臨華罷翠，當曄收蘭。複殿生響，長廡結寒。節移
虛饋，氣變容衣。中庭草曖，階上螢飛。傷縈里第，

痛溢朝闈霜侵燭昧風密帷淒驚葭夕轉龍驂
夜嘶筵旣訣今奠旣徹背青闕今去神閨旌掩
鬱而還泛葢逶遲而顧低素紉歛維華輶解馭
山燧恒陰松阿不曙離天涯今就銷沈委白日
今卽冥暮菊有秀兮蘅有芬德方遠兮聲彌樹

宣貴妃謚冊文

維年月日皇帝曰若故淑儀殷氏惟爾含徽挺
茂爰光素里友琴流荇實華紫掖奉軒景以柔
明登譽處椒風以婉變升名幽閑之範日諱層

闡繁祉之慶、方崇蕃世、而當春掩藻、中波滅源、
朕用震悼、傷于厥心、松區已翦、泉冥將墜、宜有
旌德第行式、衍聲芳、今遣某官集冊、告謚曰宣、
覓而有靈、尚茲寵渥、嗚呼哀哉

談光祿集

卷全

三

誄

孝武宣貴妃誄

惟大明六年夏四月壬子宣貴妃薨，律谷罷煖，
龍鄉輟曉，照車去魏，連城辭趙，皇帝痛掖殿之
旣閒，悼泉途之已宮，巡步檐而臨蕙路，集重陽
而望椒風，嗚呼哀哉！天寵方隆，王姬下姻，肅雍
揆景，陟屺爰臻，國軫喪淑之傷，家凝賈妣之怨，
敢撰德於旂旒，庶圖芳於鐘萬，其辭曰：
玄邱煙煨，瑤臺降芬，高唐淅雨，巫山鬱雲，誕發

蘭儀光啓玉度望月方娥瞻星比婺毓德素里
棲景宸軒處麗締綌出懋蘋蘩修詩賁道稱圖
照言翼訓妣幄贊軌堯門綢繆史館容與經闡
陳風緝藻臨彖分微游藝殫數撫律窮機躊躇
冬愛怙悵秋暉展如之華實邦之媛敬懃顯揚
肅恭崇憲奉榮維約承慈以遜逮下延和臨朋
違怨祚靈集祉慶藹迎祥皇肩璿式帝女金相
聯跼齊頤接萼均芳以藩以牧燭代輝梁視朔
書氛觀臺告禋八頌扇和六祈輟滲珎璫滅容

輦翟毀衽，掩綵瑤光。收華紫禁，嗚呼哀哉。帷軒
夕改，輶輅晨遷。離宮天邃，別殿雲懸。靈衣虛襲，
組帳空煙。巾見餘軸，匣有遺絃。嗚呼哀哉，移氣
朔兮。變羅紉，白露凝兮。歲將闌，庭樹驚兮。中帷
響，金缸暖兮。玉座寒，純孝擗其俱毀，其氣摧其
同樂。仰昊天，天之莫報，怨凱風之徒攀。茫昧與
舍，寂寥餘慶。喪過于哀，棘實滅性。世覆冲華國，
虛淵令嗚呼。哀哉，題湊旣肅，龜筮旣辰。階撤兩
奠，庭引雙輶。維慕維愛，曰子曰身。慟皇情於容
物，

崩列辟於上旻崇徽章而出寰甸照殊策而去
城闐嗚呼哀哉經建春而右轉循閭闔而徑渡
旌委鬱於飛飛龍逶遲於步步鏘楚挽於槐風
遏邊簫於松霧涉姑射而環迴望樂池而顧慕
嗚呼哀哉晨輶解鳳曉蓋俄金山庭寢日墜路
抽陰重扃閉兮燈已黯中泉寂兮此夜深銷神
躬於壤末散靈鳧於天濤響乘氣兮蘭馭風德
有遠兮聲無窮嗚呼哀哉

黃門侍郎劉琨之誄

秋風散兮涼葉稀、出吳洲兮謝江畿、瞻國門兮
聳雲路、睇舊里兮驚客衣、魂終朝而三奪、心一
夜而九飛、過建春兮背闕庭、厯承明兮去城輦、
旌徘徊而北係、轡逶遲而不轉、挽掩隧而辛嘶、
驥含愁而鳴俛、顧物色之共傷、見車徒之相泣、

墓誌銘

豫章長公主墓誌銘

稟中樞之照、體星軒之華、肅恭在國、掖庭欽其
風、恪勤衡館、庶族仰其德、

神葉靈條、爰自帝堯、文信啓魯、肇京于楚、宵燭
載照、娥英是從、婉婉締綌、優柔肅雍、蘅蕙有寶、
金碧不居、泉庭一夜、里館長蕪

司空何尚之墓銘

遠源長瀾、自晉徂韓、潛川韜玉、霍岫騰鑾、處華

民瞻出光帝難寂寞壽仁茫昧報施調於飢歸
經難褰寄晻映流芳煙煨作義

樂府

宋明堂歌九首

通典曰建元元年使謝莊造郊廟舞樂
明堂諸樂歌詩南齊書樂志曰明堂辭
五帝漢郊祀歌皆四言宋孝武使謝莊
造辭莊依五行數木數用三火數用七
土數用五金數用九水數用六周頌我
將祀文王言皆四其一句五一句七莊
歌太祖亦無定句

迎神歌

地紐謐乾樞回華蓋動紫微開旌蔽日車若雲
駕六龍乘綢繆曄帝京輝天邑聖祖降五靈集

構瑤祀聳珠簾、漢拂幌、月棲檐、舞綴暢、鍾石融、
駐飛景、鬱行風、懋粢盛、潔牲牷、百禮肅、群司虔、
皇德遠、大孝昌、貫九幽、洞三光、神之安、解玉鑾、
景福至、萬寓歡、

登歌

雍臺辨朔、澤宮練辰、

一作服

潔火夕照、明水朝陳、

六瑚賁室、八羽華庭、昭事先聖、懷濡上靈、肆夏
戒敬、升歌發德、永固鴻基、以綏萬國、

歌太祖文皇帝

維天爲大，維聖祖是則。辰居萬寓，綴旒下國。內
靈八輔，外光四瀛。蒿宮仰蓋，日館希旌。複殿留
景，重檐結風。刮楹接緯，達響承虹。設業設虞，在
王庭肇禋祀，克配乎靈。我將我享，維孟之春。以
孝以敬，以立我蒸民。

歌青帝

參映夕駟，照晨靈乘。震司青春，鴈將向桐。始旻
柔風舞暄光，遲萌動達。萬品新潤，無際澤無垠。
歌赤帝

龍精初見大火中，朱光北至主景同。帝在在離
寔司衡，水雨方降，木槿榮，庶物盛長，咸殷阜恩。
覃四冥，被九有。

歌黃帝

履建

宋書作艮

宅中寓司繩御

宋作總

四方裁化遍寒

燠，布政周炎，涼景麗條可結，霜明冰可折，凱風
扇朱辰，白雲流素節，分至乘結

宋作涇

晷啓閉集

恒度，帝運緝萬有，皇靈澄國步。

歌白帝

百川如鏡、天地爽且明、雲冲氣舉、德盛在素精、
木葉初下、洞庭始揚波、夜光徹地、翻霜照懸河、
庶類收成、歲功行欲甯、浹地奉渥、罄宇承秋、
帝靈、
宋作

歌黑帝

歲月旣晏、方馳靈乘、坎德司規、玄雲合晦、
鳥一作歸路、白雲一作雪繁、亘天涯、雷在地、時未光、
飾國典、閉關梁、四節遍萬物、殿福九域、祚八鄉、
晨晷促、夕漏延、太陰極、微陽宣、鵲將巢、冰已解、
氣濡

水風動泉

送神歌

蘊禮容、餘樂度、靈方留、景欲暮、開九重、肅五達、
鳳參差、龍已沫、雲旣動、河旣梁、萬里照、四空香、
神之車、歸清都、璇庭寂、玉殿虛、濬化凝、孝風熾、
顧靈心、結皇思、

宋世祖廟歌二首

世祖孝武皇帝歌

帝錫二祖、長世多祐、於穆睿考、龔聖承矩、玄極

弛馭乾紐墜緒闢我皇維締我宗

一作宇

制定

四海肇構神京復禮輯樂散馬墮城澤物九有
化浮八瀛慶雲承掖甘露飛甍肅肅清廟徽徽
闕宮舞蹈象德笙磬陳風黍稷非盛明德惟崇
神其歆止降福無窮

宣太后歌

稟祥月輝毓德軒光嗣徽嫺汭恩媚周姜母臨
萬寓訓藹紫房朱玄玉籥式載瓊芳

西園池上春草生
春草生兮春草生
春草生兮春草生

春草生兮春草生
春草生兮春草生
春草生兮春草生

春草生兮

春草生兮春草生
春草生兮春草生
春草生兮春草生

春草生兮春草生
春草生兮春草生
春草生兮春草生

春草生兮春草生
春草生兮春草生
春草生兮春草生

春草生兮春草生
春草生兮春草生
春草生兮春草生

詩

烝齋應詔

以下
五言

霜露凝宸感、肅僎動天引、西郊滅湮揜、一作東

溟起昭晉舞、風泛龍常輪、霞浮玉軔紫階協、笙

鏞金途展應、棟方見六詩和、永聞九德潤、觀生

識幸渥睇服慙、輶一作恪

和元日雪花應詔

從候昭神世、息燧應頌道、玄化盡天祕、凝功畢
地寶、笙鏞流七始、玉息承三造、委霰下璇蕤、疊

言元集
雪翻瓊藻、積曙境寓明、聯萼千里杲、掩映順雲、
懸、搖裔從風掃、發、貺燭任前騰、瑞光圖表、澤厚
見身末、恩踰悟生、眇竦誠岱、駕肅側志、梁鑾矯、
七夕夜詠牛女應制

輟機起春暮、停箱動秋衿、璇居照漢右、芝駕肅
河陰、容裔泛星道、逶迤濟煙溥、陸離迎宵佩、脩
爍望昏簪、俱傾環氣怨、共歇浹年心、珠殿釭未
沫、瑤庭路已深、夕清豈淹拂、弦輝無久臨、

侍宴蒜山

龍旌拂紆景鳳蓋起流雲轉蕙方因委層華正
氛氲煙竟山郊遠霧罷江天分調石飛延露裁
金起承雲

侍東耕

肅鑣奉晨發恭帶厠朝聞仙鄉降朱靄神郊起
青雲陰臺承寒彩陽樹迎初熏觀德欣臨藉瞻
道樂遊汾

遊豫章西觀洪崖井

幽願平生積野好歲月彌捨簪神區外整褐靈

詩人元集 卷八
鄉垂林遠炎天隔。山深白日虧。游陰騰鵠嶺。飛
清起鳳池。隱曖松霞被。容與澗煙移。將遂邱中
性。結駕終在斯。

自潯陽至都集道里名爲詩

山經亟旋覽。水牒勸敷尋。稽榭誠淹留。煙臺信
遐臨。翔州凝寒氣。秋浦結清陰。眇眇高湖曠。遙
遙南陵深。青溪如委黛。黃沙似舒金。觀道雷池
側。訪德茅堂陰。魯顯闕微迹。秦良滅芳音。訊遠
博望崖。採賦梁山岑。崇館非陳宇。茂苑豈舊林。

北宅祕園

夕天霽晚氣，輕霞澄暮陰。
微風清幽幌，餘日照青林。
收光漸牕歇，窮園自荒深。
綠池翻素景，秋蜺響寒音。
伊人儻同愛，絃酒共棲尋。

喜雨

燕起知風舞，礎潤識雲流。
冽泉承夜湛，零雨望晨浮。
合穎行盛茂，分穗方盈疇。

江都平解嚴

肅旗簡廟律，聳鉞暢乾靈。
朝晏推物泰，通渥抃

身宵擊轅歌至世，撫壤頌惟馨。

從駕頓上

申權臨楚路，前茅望吳雲。
冀馬依風蹀，邊簫當夜聞。

八月侍華林曜靈殿八關齋

玉桴乘夕遠，金枝終夜舒。
澄渟玄化闡，希微寂理孚。

懷園引

以下
雜言

鴻飛從萬里，飛飛河岱起。
辛勤越霜霧，聯翩遡

江汜去舊國，違舊鄉。舊海悠且長，迴首瞻東路。
延、翮向秋方，登楚都。入楚關，楚地蕭瑟楚山寒。
歲去冰未已，春來鴈不還。風肅幌兮露濡庭，漢
水初綠柳葉青。朱光藹藹雲英英，離禽喈喈又
晨鳴。菊有秀兮松有蕤，憂來年去容髮衰。流陰
逝景不可追，臨堂危坐悵欲悲。試託意兮向芳
蓀，心綿綿兮屬荒樊。想綠蘋兮旣月，沼念幽蘭
今已盈園。天桃晨暮發，春鶯旦夕喧。青苔蕪石
路，宿草塵蓬門。

山夜憂

庭光盡，山明歸。流風乘軒卷，明月緣河飛。澗鳥
鳴，今夜蟬清。橘露靡兮蕙煙輕，凌別浦兮值泉
躍。經喬木兮遇猿驚，南臯別鶴行，伫漢東鄰孤
管入青天。沈疴白髮共急日，朝露過隙詎賒年。
年旣去兮髮不還，金膏玉液豈留顏。迴舫拓繩
戶，收棹掩荆關。

聯句

華林都亭曲水聯句效栢梁體

九宮盛事子旒纁

宋孝武帝

三輔務根識難亮

揚州刺史

江夏王

策拙粉鄉慙恩望

南徐州刺史

折衝莫

效興民謗

領軍將軍

侍禁衛儲恩踰量

太子右

臣謬叨寵九流曠

吏部尚書

喉脣廢職方思讓

侍

偃臣明筆直繩天威諒

御史中丞

本傳

謝莊字希逸，陳郡陽夏人。太常弘微子也。年七歲，能屬文。通論語及長，韶令美容儀。太祖見而異之，謂尚書僕射殷景仁領軍將軍劉湛曰：「藍田出玉，豈虛也哉？」初爲始興王濬後軍法曹行參軍，轉太子舍人。廬陵王文學太子洗馬中舍人廬陵王紹南中郎諮議參軍，又轉隨王誕後軍諮議，並領記室。分左氏經傳隨國立篇製木方丈圖山川土地各有分理，離之則州別郡殊。

合之則寓內爲一元嘉二十七年索虜寇彭城
虜遣尚書李孝伯來使與鎮軍長史張暢共語
孝伯訪問莊及王徽其名聲遠布如此二十九
年除太子中庶子時南平王鑠獻赤鸚鵡普詔
羣臣爲賦太子左衛率袁淑文冠當時作賦畢
齎以示莊莊賦亦竟淑見而歎曰江東無我卿
當獨秀我若無卿亦一時之傑也遂隱其賦元
凶弑立轉司徒左長史世祖入討密送檄書與
莊令加改治莊遣腹心奉啟事密詣世祖世祖

踐阼除侍中索虜求通互市莊議應固絕時竟
陵王誕當爲荊州徵丞相荊州刺史南郡王義
宣入輔義宣固辭不入而誕克日下船莊以丞
相旣無入志驃騎發使有期於事不便世祖乃
申誕發日義宣竟不下上始踐阼下節儉詔書
莊慮此制不行時以爲言孝建元年遷左衛將
軍初世祖嘗賜莊寶劔莊以與豫州刺史魯爽
送別爽後反叛世祖因宴集問劔所在答曰昔
與魯爽別竊爲陛下杜郵之賜上說當時以爲

知言時揆才路陋。莊表請普命大臣各舉所知。有詔莊表如此可付外詳議。事不行。其年拜吏部尚書。莊素多疾。不願居選部。與大司馬江夏王義恭。賡自陳。三年。坐辭疾多免官。大明元年。起爲都官尚書。奏改定刑獄。上時親覽朝政。以吏部尚書選舉所由。欲輕其勢力。下詔曰。八柄興替。攸寄。頃世以來。轉失厥序。徒秉國鈞。終貽皇旁。今南北多士。勲勩彌積。物情善否。實繫斯

任官人之詠維聖克允則哲之美粵帝所難加
澆季在俗讓議成風以一人之識當群品之誚
望沈浮自得庸可致乎吏部尚書可依郎分置
并詳省閑曹又別詔太宰江夏王義恭曰分選
詔旦出在朝論者亦有同異誠知循常甚易改
舊生疑但吏部尚書由來與錄共選良以一人
之識不辨洽通兼與奪威權不宜專一故也前
述宣先旨敬從來奏省錄作則永貽後昆自此
選舉之要唯由元凱一人若通塞乖衷而訴達

者尠。且違令與物理。至隔閼。前王盛主。猶或難之。況在寡闇。尤見其短。又選官裁病。卽嗟誚滿道。人之四體。會盈有虛。旬日之間。便至怨詈。況實有假託。不由寢頓者邪。一詣不前。貧苦交困。則兩邊致患。互不相體。校之以實。並有可哀。若職置二人。則無此弊。兼選曹樞要。厯代斯重。人經此職。便成貴塗。已心外議。咸不自限。故范曄魯爽。舉兵滅門。以此言之。實由榮厚勢驅。殷繁所至。設可疑議。此授唯有數人。本積歲月。稍加

引進而理無前期多生慮表或嬰艱抱疾事至
回移官人之任決不可闕一來一去向人已周
非有黜責已貴難賤旣成妨長寘之無所盛衰
遞襲便是一段世臣相處之方臣主生疑所以
彌覺此職宜在降階監令端右足處時望無人
則闕異於九流今但直銓選部有減前資物情
好猜橫立別解本旨向意終不外宜唯有從郎
分置視聽自改選旣輕先民情已變有堪其任
大展遷回兼常之宜以時稍進本職非復重官

可得。不須帶帖數過。居之盡無貽怪。自中分荆
揚子時。便有意於此。正訝改革不少。客生駭惑。
爾來多季欲至歲下處分。會何偃致故。應有親
人故近。因此施行本意。詔文不得委悉。故復紙
墨具陳。於是置吏部尚書二人。省五兵尚書。莊
及度支尚書。顧顗之並補選職。遷右衛將軍。加
給事中。時河南獻舞馬。詔羣臣爲賦。莊所上爲
佳。又使莊作舞馬歌。令樂府歌之。五年又爲侍
中。領前軍將軍。子侍世祖出行夜還。敕開門。莊

居守以察信或虛執不奉旨。湏墨詔乃開。上後因酒讌從容曰。卿欲效郅君章邪。對曰。臣聞蒐廵有度。郊祀有節。盤于遊田。著之前誡。陛下今蒙犯塵露。晨往宵歸。容恐不逞之徒。妄生矯詐。臣是以伏湏神筆。乃敢開門耳。改領遊擊將軍。又領本州大中正。晉安王子勛征虜長史。廣陵太守加冠軍將軍。改爲江夏王義恭太宰長史將軍如故。六年又爲吏部尚書。領國子博士。坐選公車令張奇免官。事在顏師伯傳。時北中郎

將新安王子鸞有盛寵欲令招引才望乃使子鸞援莊爲長史府尋進號撫軍仍除長史臨淮太守未拜又除吳郡太守莊多疾不樂去京師復除前職前廢帝卽位以爲金紫光祿大夫初世祖寵姬殷貴妃薨莊爲誄云贊軌堯門引漢昭帝母趙婕妤堯母門事廢帝在東宮銜之至是遣人詰責莊曰卿昔作殷貴妃誄頗知有東宮不將誄之或說帝曰死是人之所同政復一

方使知天下苦劇然後殺之未晚也帝然其言
繫於左尚方太宗定亂得出及卽位以莊爲散
騎常侍光祿大夫加金章紫綬領尋陽王師頃
之轉中書令常侍王師如故尋加金紫光祿大
夫給親信二十人本官並如故泰始二年卒時
年四十六追贈右光祿大夫常侍如故謚曰憲
子所著文章四百餘首行於世長子颺晉平太
守女爲順帝皇后追贈金紫光祿大夫

謝光祿集終

楊光祿其孫

平文為郎帝皇司與金祿光祿大夫

十洲華文章四百籍首任然封具千卿晉平太


平四十六與觀守光祿大夫常封收封歸日靈

大錄縣計二十人本官並收封泰收工平卒親

少轉中書今常封王明收封害收金祿光祿大

總常封光祿大夫收金章常收封常開王明收

樂外式尚式太宗安周封出又明封具收為端



(30)